



Broj: 02-11-5256/21
Sarajevo, 08-11-2021 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisija za nabavku roba, usluga i radova I, imenovana rješenjem broj: 10-45-137/21 od 21.07.2021. godine, u daljem tekstu: Komisija, u postupku javne nabavke usluga održavanja i popravaka instalacija (grijanje, elektro-instalacije sa ispitivanjem i hidroinstalacije) u zgradi Općine Centar Sarajevo, prostorijama mjesnih zajednica, poslovnim prostorima, stanovima i drugim objektima kojima raspolaže Općina Centar Sarajevo, putem otvorenog postupka, (Zapisnik o pregledu i ocjeni ponuda broj: 02-11-5256/21 od 29.10.2021. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **"EL-TE 3" d.o.o. Sarajevo, ul. Goraždanska br.3, 71 000 Sarajevo** broj: 150-10/21 od 28.10.2021. godine, za pružanje usluga održavanja i popravaka instalacija (grijanje, elektro-instalacije sa ispitivanjem i hidroinstalacije) u zgradi Općine Centar Sarajevo, prostorijama mjesnih zajednica, poslovnim prostorima, stanovima i drugim objektima kojima raspolaže Općina Centar Sarajevo, u ukupnom iznosu od **29.261,30 KM bez PDV-a**, odnosno **34.235,72 KM sa PDV-om i rokom izvršenja 3 (tri) dana**.
- II.** Ugovorni organ će sa izabranim ponuđačem zaključiti Okvirni sporazum na period od 3 (tri) godine, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Obavezuje se ponuđač iz stava I. dispozitiva, da u roku od pet dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke 7. tenderske dokumentacije (uslovi za kvalifikaciju ponuđača), u originalu ili ovjerenoj kopiji.
- IV.** Ova Odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem iste ponuđaču, shodno članu 70. stav (6) Zakona.

Образложење

Postupak za javnu nabavku usluga održavanja i popravaka instalacija (grijanje, elektro-instalacije sa ispitivanjem i hidroinstalacije) u zgradi Općine Centar Sarajevo, prostorijama mjesnih zajednica, poslovnim prostorima, stanovima i drugim objektima kojima raspolaže Općina Centar Sarajevo, putem otvorenog postupka, pokrenut je Posebnom Odlukom Opštinskog načelnika o pokretanju postupka broj: 02-11-5256/21 od 13.10.2021.godine. Postupak nabavke je objavljen na portalu javnih nabavki, broj obavještenja o nabavci: 848-1-2-165-3-120/21 od 13.10.2021.godine. Procijenjena vrijednost javne nabavke iznosi 130.000,00 KM (bez PDV-a) za cijeli period trajanja okvirnog sporazuma.

U određenom roku za predaju ponuda, 28.10.2021. godine do 14,00 sati, dostavljena je ponuda ponuđača „EL-TE 3“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude i rok izvršenja kao potkriteriji ekonomski najpovoljnije ponude, kako slijedi:

r/b	PONUĐAČ	Ukupna cijena bez PDV-a	Popust	Ukupna cijena sa popustom i PDV-om	Rok izvršenja (dan)
1.	"EL-TE 3" d.o.o. Sarajevo	29.261,30	-	34.235,72	3

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima. Komisija je uvidom utvrdila da dostavljena ponuda ispunjava formalno pravne, ekonomske i tehničke uslove odnosno zahtjeve Ugovornog organa.

Komisija je izvršila računsku kontrolu dostavljene ponude te pri tome nije pronađena nijedna računska greška.

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača **"EL-TE 3" d.o.o. Sarajevo, ul. Goraždanska bb, 71 000 Sarajevo**, za dodjelu Okvirnog sporazuma na period od 3 (tri) godine, za nabavku usluga održavanja i popravaka instalacija (grijanje, elektro-instalacije sa ispitivanjem i hidroinstalacije) u zgradi Općine Centar Sarajevo, prostorijama mjesnih zajednica, poslovnim prostorima, stanovima i drugim objektima kojima raspolaže Općina Centar Sarajevo, putem otvorenog postupka, u ukupnom iznosu od **29.261,30 KM bez PDV-a, odnosno 34.235,72 KM sa PDV-om i rokom izvršenja 3 (tri) dana.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona.

Žalba se podnosi u dovoljnom broju primjeraka, a koji ne može biti manji od 3 (tri).



Prilog: Zapisnik o pregledu i ocjeni ponuda
broj: 02-11-5256/21 od 29.10.2021.godine

DOSTAVITI:

1. Ponuđaču:
 - "EL-TE 3" d.o.o. Sarajevo, ul. Goraždanska br.3,
71 000 Sarajevo
2. Službi za javne nabavke, zajedničke poslove i informatiku x2
3. Službi za finansije
4. Arhivi